



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLIII. ad annum DLXXVII.

**Parisiis, 1644**

Piissimo Et Christianissimo Nostro principi, merito diuinitus honorato,  
Flauio Iustiniano Augusto & imperatori, Joannes, Thomas, Stephanus,  
Nicetas, Andreas, Procopius, Vrbicius, Antonius & Cosmas ...

**urn:nbn:de:hbz:466:1-15324**

*Psal. 19.* ante tres annos mortuus est, qui ex Galatia erat, quem & nos nostræ connumerationis fuisse cognoscimus. His igitur pro veritate demonstratis, Christianissimo & piissimo nostro imperatori nota omnia, secundum quod placuit eius Christianæ serenitati, faciemus, & in omnibus sanctissimo & beatissimo antiquioris Romæ papæ. Sed & communis omnes voce cælestem supplicamus Deum: Saluum fac Domine imperatorem, & exaudi eum in quamque die te inuocauerit.

Ioannes misericordia Dei episcopus Iustinianopolitanæ metropolis: apud me confecta sunt ante posita gesta, & subscripti.

Thomas misericordia Dei episcopus Ægææ ciuitatis: in conspectu meo confecta sunt ante posita gesta, & subscripti.

Stephanus misericordia Dei episcopus Castabaleorum ciuitatis: coram me confecta sunt ante posita gesta, & subscripti.

Nicetas misericordia Dei episcopus Epiphaneorum ciuitatis: coram me confecta sunt ante posita gesta, & subscripti.

Andreas misericordia Dei episcopus Flauiadeorum ciuitatis: coram me confecta sunt ante posita gesta, & subscripti.

Procopius misericordia Dei episcopus Irenopolitanæ ciuitatis: coram me confecta sunt ante posita gesta, & subscripti.

Vrbicius misericordia Dei episcopus Alexandrini opidi: coram me confecta sunt ante posita gesta, & subscripti.

Antoninus misericordia Dei episcopus Roseorum ciuitatis: coram me confecta sunt ante posita gesta, & subscripti.

Cosmas misericordia Dei episcopus Mopsuestenæ ciuitatis: coram me confecta sunt ante posita gesta, & subscripti.

#### PIISSIMO ET CHRISTIANISSIMO NOSTRO

principi, merito diuinitus honorato, Flauio Iustiniano Augusto & imperatori, Joannes, Thomas, Stephanus, Nicetas, Andreas, Procopius, Vrbicius, Antoninus & Cosmas humiles episcopi vestræ secundæ Cilicum prouinciae.

**S**EMPER quidem proprietate ad Deum pertinente labores vestræ Christianitatis mirati sumus, & mercedem vobis studii, quod circa meliora & optima humanorum habetis, reddituram esse credimus cælestis regni participationem. Nihilo minus autem & nunc festinantiam, piissime, vestram circa sanctam vniuersalis ecclesiæ pacem considerantes ex his quæ de Theodoro olim Mopsuestenæ ciuitatis episcopo pie nobis directa sunt ave-

ANNO CHRISTI 555. stra Christianissima serenitate , superlaudamus & mira-  
mum circa recta dogmata zelum , inuidissime , tuum.  
Accessimus enim ad Mopsuestenam ciuitatem vniuersi  
qui per vestram secundam Ciliciam sacerdotium sumus  
fortiti , Marthanio viro magnifico nobis ea quæ aguntur  
complente , cum hoc vestra pietas iussisset , & religiosissi-  
mos eius clericos aduocauimus , nec non etiam clarissi-  
mos & laudabiles huius habitatores , electis ab ipsis his qui  
ætate prouecti fuerunt , hoc quod iuste a Christianissimis  
vobis præceptum est , interrogabamus quando Theodo-  
rus prior sacris diptychis electus est , sed etiam quis loco  
illius inscriptus est . Ista vero eos dicere adhortabamur san-  
ctis & adorandis propositis euangeliis . Illi vero nobis fi-  
dem eorum quæ dicenda erant , per venerabilia iuramen-  
ta affirmantes , & ætatem suam explanantes , ignorare di-  
cebant ex quo Theodori vetusti vocabulum sacris dipty-  
chis deletum est . Cyrillus autem sanctæ memoriae Ale-  
xandrinæ magnæ ciuitatis pontifex in illius loco insertus  
est . Istis consonare etiam ipsa præ manibus habentes sacra  
diptycha , teste Deo , inuenimus . Sanctæ enim memoriae  
pontificum memoratæ Mopsuestenæ ciuitatis nomina re-  
citantes , Theodori quidem nullam memoriam insertam  
esse reperimus , Cyrillū vero vna cum sanctis , qui ad Deū  
ante abierunt , conscriptum , cum nullus Cyrus Mop-  
suestenæ fuisset ciuitatis episcopus . In fine vero connu-  
merationis Theodorum conscriptum esse iuniorem inue-  
nimus , qui ex Galatia ortus , unus nostri factus Concilii ,  
ante tres annos defunctus est . Omnia igitur gestis inferen-  
tes , & humili huic suggestioni coniungentes , manifesta  
ea quæ motasunt , vobis Christianissimis fecimus , orantes  
magnum & saluatorem Deum , ut nobis & paci sancta-  
rum ecclesiarum te longæum & vestram Christianissi-  
mam serenitatem custodias .

Ioannes misericordia Dei episcopus vestræ Iustinianopolitanæ  
metropolis , subscripti .

Thomas misericordia Dei episcopus vestræ Ægææ ciuitatis , sug-  
gerens subscripti .

Stephanus misericordia Dei episcopus Castabaleæ ciuitatis , refe-  
rens subscripti .

Nicetas misericordia Dei episcopus Epiphaniæ ciuitatis , sugge-  
rens subscripti .

Andreas misericordia Dei episcopus vestræ Flauiaðæ ciuitatis, <sup>ANNO  
CHRISTI  
555.</sup>  
suggerens subscripti.

Procopius misericordia Dei episcopus vestræ Irenopolitanæ ciui-  
tatis, subscripti.

Vrbicius misericordia Dei episcopus vestri Alexandrini opidi,  
suggerens subscripti.

Antoninus misericordia Dei episcopus vestræ Roseæ ciuitatis,  
suggerens subscripti.

Cosmas misericordia Dei episcopus vestræ Mopsuestenæ ciuita-  
tis, suggerens subscripti.

*Facta est vero & suggestio ad sanctissimum papam antiquioris  
Romæ Vigilium ab iisdem episcopis, ita habens:*

**D**ECEBAT vere, cum primam\* sacerdotes dignitatem sortiti estis, sanctissimi, ea quæ ad sanctarum ecclesiarum statum respiciunt, manifesta vestræ diuinitus honoratae beatitudini fieri. Hoc bene & Christianissimus noster imperator considerans, & ad vestram scientiam quædam, quæ de Theodoro quondam Mopsuestenæ ecclesiæ episcopo mota sunt, iussit referri. Piissimus enim ad nos literis vsus, hortatus est ad Mopsuestenam ciuitatem conuenire, quæ vna secundæ Ciliciæ est, & cum subtilitate perscrutari, quando Theodorus, qui olim prædictæ ciuitatis fuit episcopus, sacris diptychis eiectus est, & manifesta ea tam eius tranquillitati, quam vestræ diuinitus honoratae facere beatitudini. Statim igitur Mopsuestiam accedentes, religiosissimum congregauimus clerum, & fidellem eius populum, eligentes eos qui seniores sunt, qui & retinere forsitan memoria possunt subtilitatem eius quod quarebatur: & diuina & adoranda eis proponentes euangelia, ut suspicionem sui testimonii emundarent, dicere inuitatimus, si sciunt quo tempore Theodori antiqui nomen sacris eiectum est diptychis. Illi vero multos annos, & suam excedentes memoriam esse iurauerunt, ex quo nulla eiusdem Theodori memoria sacris diptychis inferatur. Cyrillum autem religiosæ memoriae Alexandrinæ ciuitatis pontificem in eius loco inscriptum esse: quæ ex patribus suis audisse asseruerunt. Sed eorum quæ dicebantur subtilitatem inuestigantes, & per ipsa venimus sacra diptycha, & mortuorum episcoporum connumeracionem considerabamus: & Theodori quidem in antiquio-

ANNO CHRISTI 555. ribus temporibus nullam memoriam inuenimus, in ipso vero fine facrorum diptychorum Theodorus scriptus est, quem omnes nuper quidem mortuum esse dixerunt, ex Galatia vero ortum esse prouincia. Hunc & nos omnes nostri Concilii partem factum, ante triennium mortuum esse cognoscimus. Haec ita habere, ipsa gesta vobis sanctissimis manifestent: quæ humili suggestioni coniungentes, ad scientiam vestram destinauimus. Sed petimus diuinatus inspiratos vos religiosissimis & Deum placentibus vestris orationibus nos humiles suffulcire.

Et subscriberunt episcopi in ea.

Sancta Synodus dixit: Sufficient quidem quæ dicta & prolata sunt, ecclesiasticam traditionem demonstrare, eo quod oportet haereticos & post mortem anathematizari. Et reliqua vero omnia quæ mota sunt, ostendunt quemadmodum ex prolixis temporibus Theodorus Mopsuestenus propter impia sua conscripta & post mortem a catholica ecclesia eiectus est. Sed de his quidem sententiam paulo post manifestemus: nunc vero & quæ collecta sunt ex Theodoriti conscriptis contra rectam fidem expositis, & contra sanctæ memoriae Cyriillum & duodecim eius capitula, nec non pro Theodoro & Nestorio & eorum blasphemias, recitentur. Et cum suscepisset Photinus reuerendissimus diaconus & notarius, recitauit.

EX HIS QVÆ A THEODORITO SCRIPTA  
sunt aduersus duodecim capitula sancti Cyrilli.

Ex his quæ ad primum anathematismum scripsit.

CERTVM igitur est ex predictis, quod Deiforma non immutata in serui formam, sed manens quod erat, sumpsit serui formam. Si igitur non factus est caro Deus Verbum, sed carnem viuam rationabilem recepit, non ipse natura ex Virgine natus est, conceptus est, complasmatus & formatus, & initium inde ut esset accipiens, qui ante saecula est, & Deus est, & \* ad Deum est, & cum Patre est, & cum Patre cognoscitur & adoratur: sed cum sibi tempulum in virginali utero complasmanit, cum illo erat qui complasmatus & conceptus & formatus & natus est. Quapropter & sanctam illam Virginem Dei genitricem appellamus, non quod Deum

Habentur  
in Concilio  
Ephesino,  
part. 3. cap.  
3.